

詞林摘艷

丙集

仙呂點絳脣目錄

國泰隆昌

春滿皇州



三月韶光

喜遇着大明洪福

正值着太平時序

玉鈎高掛

月令隨標

為照芳妍

造化生成

楊柳絲柔

淑氣融融

游藝中原

月朗風清

花遮翠擁

正值着麗人天氣

花信風微

書喪秦嬴

萬里長江

懨懨瘦損

休說功名

淮水上彩舟無數

萬種妖嬈

萬種閑愁

天淡雲孤

歸去來兮

相國行祠

十載寒窻

紅雨紛紛

漏盡銅龍

秦失邦基

天霽雲開

我向這水邊林下

竚立閑堦

嬌艷名娃

風吹羊角

散袒逍遙

驕馬吟鞭

發憤忘食

穀雨初晴

金谷名園

詞林摘艷

丙集

宮點絳唇

國泰隆昌。萬民仰望。山河壯。

聖壽無疆。翫賞在金鑾上。

混江龍

喜孜孜高擎美釀。列金釵十二出紅粧。朱圍翠遶。魚
鳳烹凰。翠巍巍花團如錦繡。綠依依翠竹遶回廊。珠
簾搖晃。紫霧飄香。祥雲瑞靄。蕩蕩祥光。端的是紫府
瑤池上。輕敲象板。齊奏笙簧。

油葫蘆

一派仙音滿殿響。齊祝讚隆壽長。仙音嘹亮樂歡暢。
鸞翩鳳舞堪遊賞。金童玉女雙歌唱。直喫的酒暈紅。
新面粉。五音六呂聲嘹亮。清美韻悠揚。

天下樂

鳳閣鑾輦錦繡粧。別是箇風光。笑吟吟的滿玉堂。有
南極衆星慶

聖皇。七真共五老朝

帝主奉玉觴。祝

當今福壽長。

寄生草

我則見金鑾殿。列兩行。文臣武將公卿相。讚吾

皇穩坐蟠龍上。大明一統山河壯。壽綿綿永享錦封疆。
奎星耿耿明天象。

尾聲

萬國盡來降。四海無征蕩。大賢門用選俊良。普天下
黎民朝

帝王。永延年福祿雙雙讚吾

皇明主榮昌。舉案齊眉進玉觴。擺着稀奇異相。高擎着
佳釀。則願的

聖明天子永無疆。

點絳脣

春滿皇州。武陵春晝。濃花酒。柳下爭柔。十二月春為
首。

混江龍

正值着賞花時候。喜春來景物最風流。粉蝶兒舞翅。
醉翁子歌謳。紅芍藥檻邊風乍暖。青杏子樹上雨初

收。小桃紅。日色胭脂透。雖不是神遊閬苑。多管是菩
薩梁州。

油葫蘆

携綵袖雙同上小樓。捲珠簾掛玉鈎。趁着這後庭花
柳吐且消愁。金盞兒滿斟着梅花酒。直喫的醉扶歸
快活三更後。攪箏琶舞六么。紅娘子勸一甌。雙鴈兒
便挽起藍褐袖。恰便似丹鳳舞小梁州。

天下樂

直喫的沉醉東風興未休。我為這嬌羞。雙勸酒撥不

斷甚時重配偶。碧玉簫曲未終。勝葫蘆酒再酬。端的
是逍遙樂得自由。

那吒令

醉中天。謹邀相識故友。醉春風滿斟。迎仙客勸酒。醉
扶歸。酒後有紅裙翠袖。村姑兒搵手歌。耍孩兒揎雙
袖。早鄉詞唱的精熟。

鵲踏枝

集賢賓鬧樊樓。迎仙客喜觥籌。列的是九轉貨郎唱
的是八聲甘州。滿庭芳。花紅綠柳。鮑老兒拖着神杖。

兒信步閑遊。

寄生草

單鴈兒歸塞北。凭闌人下小樓。念奴嬌兩葉眉兒皺。
凌波仙紅繡鞋兒瘦。醉花陰步步嬌天生就。浪淘沙
冲得海天清。刮地風吹倒亭前柳。

寄生草

笑撚着桃紅菊。閑拖着滾繡毬。鳳鸞吟飛上青山口。
鬪鷓鴣來往攏梭走。雙鴛鴦戲水波紋皺。賀
聖朝金殿喜重重。樂安神享祭笙歌奏。

尾聲

倘秀才占鰲頭。折桂令攀蟾手。朝

天子風雲志。酬不枉了伴讀書。剔銀燈。窻下守。相公愛
脫却儒流。得志也賽鴻秋。問甚麼水調歌頭。教普天
樂軍民得自由。

殿前喜賜宮花御酒。脫布衫換金章紫綬。今日箇鎮
江回勝似五陵遊。

點絳脣

三月韶光。萬花爭向春開放。紅紫芬芳。膏雨過堪遊

賞。

混江龍

東風飄蕩。麗人天氣景非常。戲清波鴛鴦紅鴨綠。採名
園蝶粉蜂黃。香馥馥梨花白雪嫩。綠依依楊柳翠絲
長。看了這山明水秀。李白桃紅。端的是堪寫在圍屏
上。聲嚶嚶鶯遷喬木。語喃喃燕遶雕梁。

油葫蘆

寶馬香車人鬧穰。把花籃春盛將。正值着艷陽天明
媚景好風光。一處處會佳賓玳瑁筵寬廣。一步步動

仙音絃管聲嘹亮。歌謳着金縷詞。酒斟着白玉觴。笑吟吟且開懷展放。江湖量。只恐怕春歸去太疾忙。

天下樂

因此上拚了醕醕入醉鄉。見芳草池塘。天桃間綠楊。花撲撲賽過錦繡鄉。蹴踘聲吹倒綺筵。鞦韆影送過粉牆。回首早散茶蘂滿院香。

那吒令

過清和氣爽。葵花開艷陽。起薰風淡蕩。藕花吹異香。正炎天晝長。榴花綻錦囊。遶方池圓沼中。向水閣涼。

亭上。搥紈扇浴罷蘭湯。

鵲踏枝

碧荷筒飲瓊漿。白蓮藕雪冰霜。正好宜沉李浮瓜。避暑乘涼。採蓮腔。在蘭舟畫舫。須臾間又是重陽。

寄生草

玉露養芙蓉艷。金風飄桂子香。墜銀床梧葉瀟瀟嚮。過南樓塞鴈呀呀唱。噴清香黃菊叢叢放。這的是酒中得趣。孟叅軍。喜的是窻前寄傲陶元亮。

寄生草

一任教西風裏烏紗落。且喜得東籬下菊正黃。趁着
這凝霜紫蟹偏肥壯。旋將這新菊綠蟻頻醜盪。和俺
那知心故友同歡暢。恰纔見丹楓滿樹舞林間。却又
早彤雲四野垂天上。

六么序

呀。冷颼颼寒成陣。踈刺刺風力狂。剪冰花應瑞呈祥。
恰便似蝶翅飛揚。鶴羽翱翔。敲竹葉風透幽窻。採樵
人迷路難行往。便有打漁人怎向寒江。亂紛紛擣綿
扯絮空中降。見了呵。消災壓障。更那堪宿麥遺蝗。

么篇

這雪偏向那高堂蘭房。檀幙低張。翠袖成行。錦褥牙
床。繡被鴛鴦。深把重門閉上。呀。梅花開送暗香。韻悠
悠歌着竒腔。按着宮商。炭火上燒着肥羊。金杯中淺
注羊羔釀。便醺醺醉後何妨。受用那紅爐暖閣銷金
帳。喜的是豐年稔歲。樂的是地久天長。

尾聲

翫景物悅心神。伴詩酒添情況。席上生風慣常見了
些高髻雲鬟新樣粧。幸遇着日吉辰良。莫輕將。歲月

行唐赤緊的風雨憂愁一半妨。一夜一箇花燭洞房。一日一箇淺斟低唱。休負了百年三萬六千場。

村裏逐鼓

喜遇着

大明洪福。正值着太平時世。磐石穩山河一統。皆仰賴仁

君明聖。賢臣經濟。調治的二氣和三光麗。六合寧謐。德化的風雨調。禾稼稔。萬物熙呀。普天樂昇平。歌謠讚禮。

元和令

正光風化日裏。民豐厚效仁義。一箇箇盡忠誠興孝弟。敘倫彞。刑政寬詞訟息。見如今官清法正。守成規。皆因是

聖明君施大德。

上馬嬌

寰宇內黎庶歡。感應的天地理。文明象獻禎奇。麒麟獅豹呈祥瑞。彩鳳儀天。馬產郊西。

勝葫蘆

攝伏的四方萬國盡歸依朝

帝闕賀彤墀。咸瞻仰鳳闕。龍樓金殿裏。見如今稱臣貢
職。咤珍寶貝。白象與黃犀。

么篇

聖明君穩坐這蟠龍亢金椅。服袞冕坐垂衣。樂奏簫韶
行大禮。丹墀內文班武職。山呼

萬歲都祝讚

聖壽與天齊。

村裏逐鼓

正值着太平時序。慶賞這上元景致。建千丈鰲山高
聳。民同樂笙歌聲沸。玉漏停。銅壺止。金吾不避。百姓
歡。千官擁萬乘喜。試看那瓊島春陰畫裏。

元和令

月光懸寶殿輝。燈光映曉山翠。燈光月色兩相宜。步
天街人輦集。錦城車馬共相隨。翫花燈繞鳳池。

上馬嬌

聽一派絃管齊。歌舞宜齊。整整列在丹墀。有烹龍魚
鳳珍羞備。瓜果又奇。光瀲灩高擎紫霞盃。

遊四門

則聽的鳳笙象管間玉笛。動仙音嘹唳。透彤墀。御燈香。靄天風細。社火競高低。有幾回。罕見少人知。

勝葫蘆

更有那妙舞清歌錦隊裏。光燦燦燈月正交輝。則聽的黎庶臣僚呼。

萬歲金杯酒泛喧。天樂奏祝。

聖壽與天齊。

後庭花

翠叢叢羅綺圍。花攢攢錦繡堆。光皎皎珠簾晃。碧澄澄銀漢低。水瓶中錦花飛。撲簌簌喧天鼓。搯設華筵列。整齊。彩山前明月低。彩山前明月低。

柳葉兒

喜遇着太平盛世。重譯朝四海無敵。托賴着至仁至德。

當今帝承天位。若磐石錦乾坤一統華夷。

村裏逐鼓

玉鈞高掛。繡簾低放。高點起銀臺畫燭。開玳筵笙歌。

嘹唳。靠着這翡翠屏。芙蓉幔。錦衾鴛帳。花似錦人如玉。酒滿觴。端的。別是一箇風光畫堂。

元和令

雕盤中。靄篆香。金盞內。泛瓊漿。這的是主人情重出紅粧。列金釵十二行。一箇箇藕絲新嫩。織仙裳。膩桃腮。脂粉香。

上馬嬌

他每都宮樣粧。列兩廂。那的是小姐共梅香。都一般陽春白雪齊歌唱。夜正涼。直喫的明月轉回廊。

遊四門

繞梁餘韻尚悠揚。則被這狂客惱柔腸。報道是金釵斜墜烏雲上。舉手慢張狂。慌將羅帕緊遮藏。

勝葫蘆

早露出十指纖纖玉笋長。他生的顏色豈非常。恰便似困倚東風睡海棠。司空見慣。全勝宋玉。想象賦高唐。

後庭花

他生的臉銀盤膩粉粧。口微噴蘭麝香。雲鬢堆鴉翅。

金釵插鳳凰。細端詳。端詳了風流模樣。略人間何處長。想蓬萊是故鄉。宴蟠桃惹下禍殃。犯天條降下方。犯天條降下方。

柳葉兒

呀。他生在九重天上。駕祥雲。恨落昭陽。他生的千嬌百媚人中樣。他比花花解語。比玉玉生香。堪移在蘭麝椒房。

尾聲

直喫的玉山頽。儘放金杯量。拚了箇前合後仰。終夜

芳神足下央。酒席間言語踈狂。出雕牆。月轉西廂。拂面東風覺我醉魂爽。絳紗籠近堂。我將這紫絲韁款放。趁天風扶下五雲鄉。

點絳脣

月令隨標。箕星共號。則為你斟量錯。降謫塵囂。向人世來量度。

混江龍

這因為鴻門失却。一靈兒飛入錦窩巢。飽諳了夢穠細。廣見了夢低高。木板兒有錢休再刮。鐵梁兒無米

莫來敲。欺瞞了。夢村叟。般弄了。夢倉廩。從離了街市。
入深宅。到如今。再不零糶糶。畢罷了。臨光踢斗。無承
望。半合一抄。

油葫蘆

改變做宮殿。風微燕雀高。清標安在這梁左角。更着
些彩粧。青綠縷金描。再不向迎新賣舊。臨街道。常則
是擎升座。礎居廊廟。躲離了斗級。每手內提却來這華
堂中。方上閣。常自是清風明月。簾櫳罩。抵多少團弄
在小兒書。

天下樂

連你那朽板兒。沾粘的。有下稍。聽了。些笙簫。居畫閣。
做高村穩。拍拍實是好。要看呵。仰着首觀。要摸呵。誰
勾的着。攢簇的清閑。直到老。

尾聲

記得向殿宇內。做良材。則要你升運裏。施呈巧。每日
家。陪伴着金蓮玉藻。樂富貴繁華百載。遙聽了。些這
梁聲塵軟香嬌。簇花着。篆刻鏤雕。一任那。粘合處。涎
乾了肉鰓膠。再不怕沒梁兒棄却。常則是錦杲。愚籠

套。受用着寶樓臺銅斗兒鳳凰巢。

點絳脣

為照芳妍。故如皎練。分明顯。恰便似寶鏡臺前。一樣
蛾眉淺。

混江龍

月窺人面。玉人明月闌嬋娟。月當良夜。人正芳年。華
表月移無柄扇。錦宮人列並頭蓮。喜今宵人月皆酬
願。月輪滿足。人物十全。

油葫蘆

滿袖天香惹瑞烟。風力軟。九龍獨趁五雲軒。誰承望
開元天子昭陽殿。生扭做藥珠宮。王母蟠桃宴。預先
爭遊廣寒。沒來由拋禁苑。恰來恁早。夢兒與咱疾相
見。怎肯去月宮裏覓神仙。

天下樂

趁着這十五團圓。照滿天。待把箇堪憐。親自選。將這
箇可喜娘臉兒都覷遍。不知是那箇合踈。那箇合偏。
我則索告青天乞少年。

那吒令

莫不他厭守。皇宮內院。莫不他懶駕。鸞車鳳輦。莫不
他趨却。蓬萊閨苑。多應他顯些氣力。施些機變。那里
問天子三宣。

鵲踏枝

恰正是急煎煎。意懸懸。仙袂飄飄。綬帶翩翩。銜一團
兒香嬌玉軟。更輕如玉液浮蓮。

寄生草

是看把光輝映。縞素穿。則見那彩雲隨出梧桐院。恰
便似錦池捧出芙蓉面。這疑是武陵泛出桃花片。那

里見大唐家歌舞太真來。分明見洛伽山水月觀音
現。

六么序

相陪奉。謹顧戀。携春纖笑凭瓊肩。紅翠相連。音律俱
全。正乾坤風露涓涓。啓朱唇一點聲嬌顫。似朝元玉
女傳言。此一盃則索慙慙勸。誰敢分文怠慢。頃刻俄
倏。

么篇

忻然若不當筵親奉金盤。又道是吾當厭倦。意不專。

者麼他鹿走中原。海變桑田。鎮同行同坐同眠。儘翰林編作荒媯傳。任清風萬古流傳。願一年一度中秋宴。則這碧天似水。夜夜如年。

醉扶歸

則為你占斷風流選。奪盡可憎權。萬里江山正朗然。為甚忽地浮雲顯。為你強如他萬千。更多端嬌艷。因此上怕見你那羞花面。

金盞兒

他夜無眠共同緣也。學世態雲千變。桂花點破鏡中

天銀河明綺宴。如瀑布落長川。素娥浮酒面。西子在溫泉。

醉中天

我想這文武朝金殿。不熱樂如妃子列華筵。簾捲鰕鬚吐翠烟。不丰韵如雲影隨歌扇。怕的是那剪霹靂似三下靜鞭。聒的我心驚膽戰。索不如太真妃品竹調絃。

後庭花

碧桃花樹前。青鸞舞鏡邊。去歲人無恙。今秋月正圓。

為甚我重留連。過中秋。雖見則怕好光陰。如電轉。漸如弓不上絃。漸如弓不上絃。

尾聲

平地鳳車行。銀漢冰輪轉。回首流光漸遠。你各向深宮輦路邊。列雙雙白鷺紅鴛。忽天然。顰袖垂肩。只向冰雪堂中圖畫展。和咱同遊上苑。共臨寢殿。抵多少月移花影到窻前。

點絳脣

造化生成榮枯已定。天之命隨運而行。固守壘益困。

混江龍

都則為世情淺分。倚衡門感嘆暗傷情。憂只憂囊空父老。愁只愁家業凋零。七件事常懷無所轄。幾回無語自沉吟。到如今功名未遂。學業無成。我如今三十已過。四紀將臨。英雄志命蹇不能施展。竒才時拙成何用。因此上蓬窻守志。陋巷甘心。

油葫蘆

甌有蛛絲釜有塵。不厭貧。都只為幾文錢。鈔苦難尋。空教我南來北往無時定。東奔西拽空成病。富的呵

詞林
又交。貧的呵親不親。細觀世事令人恨。因此上白髮鬢邊生。

天下樂

誰不待利已肥家。幹盡心。好教我難禁。時不通。十椿好事無一成。一會家腹內思。幾番家心自忖。好教我百無處度自身。

那吒令

有一箇趕齋的呂蒙。他也曾受貧。有一箇未遇的買臣。他也曾負薪。有一箇胯下的那生。時來呵贈金。嘆

先賢這幾人。他每都遭危困。非是我無用無能。

鵲踏枝

誰不待列簪纓。做公卿。誰不待要顯高衙。誰不待書閣銀屏。誰不待朝歡暮飲。誰不待白馬紅新。

寄生草

你便有文通智。管鮑情。你便似顏回德行無人敬。你便有蕭何刀筆。誰人問。你就似蘇秦舌劍。何人聽。時乖笑殺小兒曹。有一日時來須掛黃金印。

么篇

屈沉殺風流體。慷慨心。有一日鵷鴻列與三公並。有一日華筵飲罷笙歌送。有一日畫堂春暖鴛鴦慶。有一日金釵十二列屏幃。我將他意中人寫入丹青幃。

尾聲

冷暖自家知。厚薄歸於命。固其窮甘心守分。詩酒生涯樂太平。會高人講論寒溫。冷語傍浸。雖無邵堯夫義仁。孟浩然之性。怎肯交挈雲志埋沒這平生。

點絳脣

楊柳絲柔。海棠花秀。東風吼。綠慘紅愁。枉費却東君

手。

混江龍

園林春晝。落花飛絮兩悠悠。愁生眼底。恨鎖眉頭。晝閣蘭堂享富貴。爭如綠窻朱戶鎖風流。想春風桃李。夏日葵榴。秋霜賞菊。冬雪尋梅。空牽情惹恨。不曾展眼舒眉。常則是深閨寂寞。捱昏晝。每日家拘束悶倦。甚時得散袒優游。

油葫蘆

我為甚懶上青春翡翠樓。無心將詩句兜我。我則怕一

重愁番做兩重愁。俺娘他閑話閑噪。將咱來守。梅香
則是相隨着走。恰便似得罪的人。常散收。猛傷心。昨
日黃昏後。空望斷雲外月如鈞。

天下樂

你比我飛去飛來得自由。擔閣我年方恰二九不嫁
不招無去就。因此上懷抱着憂。眉鎖定愁。好交我對
菱花粧鏡羞。

村裏逐鼓

正是這懶晴天氣。禁烟時候。和風麗日。芳草香江山

明秀。則見這紫燕飛黃鶯語。蝴蝶舞袖。遶着這芍藥
欄。荼蘼架。菡萏遊。敢則是放心穿花度柳。

元和令

則見他相如般有志氣。更那堪潘郎般更清秀。堂堂
人物甚風流。堪與咱成合鸞鳳友。他來來往往沒緣
由。又不敢分明厮問候。

上馬嬌

是他把見識尋。智量搜。推把帶鞋搗。我意遲遲佯整
裙兒皺。兩意暗相投。只不把他揪。

遊四門

相逢無計苦連留。多少斷腸愁。則管里眼去眉來相
迤逗。情意幾時休。休。無語懶擡頭。

勝葫蘆

真乃是背面相思對面羞。甚日得綢繆。眼趁上姻緣
難措手。也是我自家心順怕甚外人講究。方信道女
大不中留。

么篇

萬里鵬程得志秋。登虎榜釣螯頭。氣吐虹霓射斗牛。

喫黃齏淡飯。有一日紅纓白馬。穩放着拜相與封侯。
後庭花

你使潑言詞信口謔。愴白的我臉上羞。本待共秀才
成秦晉。爭敢共梅香先卯酉。暢好事沒來由。女孩兒
家村曹。休學那不律頭。休則管廝逗遛。咱家中使數
有。咱家中使數有。

柳葉兒

消甚麼叮嚀說透。量那步鞋頭襪面休休。這公事奶
奶行休泄漏。從今後鬼胡尤。不要你老婆舌頭。

尾聲

教他低赴粉牆來。我多應斜壓着朱扉候。休教他辜負了鶯期燕友。你比那普救寺紅娘且落後。我比鶯鶯心事難酬。他臨去也再回頭。爭忍凝眸。咫尺一樣相思兩處愁。則願的佳期應口。姻緣成就。天呵。休教俺好前程空溜下眼兒瞅。

賞花時

淑氣融融柳吐烟。曉日曛曛花正妍。明媚景麗人天。輕風似剪。極目草芊芊。

么篇

怕對青銅貼翠鈿。懶整烏雲插玉蟬。蜂蝶嚷燕鶯喧。愁眉未展。離恨動經年。

醉中天

煙鎖垂楊院。雲暗杏花園。縱有香醪誰共傳。清減了芙蓉面。花底黃鸝乍轉。傷情閨怨。對東風無語無言。

金盞兒

綠苔前。畫闌邊。見紛紛亂舞桃花片。三分春色總悽然。水流殘枝上。藥風吹老樹啼鶯。赤緊的枕闌人去。

遠更那堪雲靜月空圓。

尾聲

懶覩並頭鴛。羞對雙飛燕。撚指間韶光易轉。辜負我
青春誰肯憐。盼多情眼望將穿。意懸懸。離恨縈牽。何
日相逢列綺筵。將珠簾慢捲。金盃滿勸。成就了喜孜
孜夙世羨姻緣。

點絳脣

遊藝中原。脚根無線。如蓬轉。望眼連天。日近長安遠。
混江龍

向詩書經傳。蠹魚不出費鑽研。將棘圍守暖。把鐵硯
磨穿。投至到雲路鵬程九萬里。先受了雪窻螢火二
十年。才高難入俗人機。時乖不遂男兒願。空雕蟲篆
刻。綴斷簡殘篇。

油葫蘆

九曲風濤何處顯。則除是此地偏。這河帶齊梁分秦
晉。隘幽燕。雪浪拍長空。天際秋雲捲。竹索纜浮橋水
上。蒼龍堰。東西潰九州。南北串百川。歸舟緊不緊。如
何見。恰便似弩箭乍離絃。

天下樂

疑是銀河落九天。淵泉雲外懸。入東洋不離此逕穿。
滋洛陽千種花。潤梁園萬頃田。他也曾泛浮槎到日
月邊。

節節高

隨喜了上方佛殿。早來到下方下方僧院。行過廚房
近西。法堂北鍾樓前面。我恰纔遊了洞房。登了塔位。
把迴廊繞遍。數了羅漢。參了菩薩。拜了聖賢。呀。正撞
見五百年風流業冤。

元和令

顛不刺的見了萬千。似這等可喜娘罕曾見。引的人
眼花撩亂口難言。魂靈兒飛在半天。他那里儘人調
戲。驪着香肩。小姐只将那花笑撚。

上馬嬌

這的是兜率宮。錯猜做離恨天。呀。誰承望寺裏遇神
仙。我見他宜嗔宜喜春風面。暢好是偏。偏宜貼翠花
鈿。

勝葫蘆

我見他弓樣眉兒新月偃。侵入鬢雲邊。未語人前先
腴腆。櫻桃紅綻。玉粳白露。半晌家恰方言。

么篇

恰便似嚙嚙鶯聲花外轉。行一步兒可人憐。他生的
解舞腰肢嬌又軟。千般嫵娜。萬般旖旎。似垂柳晚風
前。

後庭花

若不是襯殘紅芳徑軟。怎顯出步香塵底樣兒淺。且
休題眼角留情處。則將這腳踪兒把這心事傳。我見
他慢俄佺。投至到龍門前面。剛那了一步兒遠。剛剛
的打箇照面。險些兒風魔了張解元。似神仙歸洞天。
空餘下楊柳烟。只聞的烏鵲兒喧。

柳葉兒

呀。門掩過梨花深院。粉牆兒高似青天。恨青天不與
人行方便。好着我難消遣。怎不留連。小姐。則被你引
了人意馬心猿。

寄生草

蘭麝香仍在。環珮聲漸遠。東風搖拽垂楊線。遊絲牽

惹桃花片。珠簾掩映芙蓉面。你道是河中開府相公家。我則道海南水月觀音現。

尾聲

餓眼望將穿。餓口涎空嚙。透骨髓相思病染。怎當他臨去也。秋波那一轉。便做道鐵石人。意惹情牽。近庭軒。花柳爭妍。日午當庭塔影圓。春光在眼前。爭柰俺玉人兒不見。將一座梵王宮。疑是武陵源。

點絳脣

月朗風清。夜闌人靜。人初定。萬籟無聲。重把麗兒整。

混江龍

腮凝桃杏。盤旋鸞髻。黑雲生。眉描翠柳。唇點朱纓。金縷衣裙明燦燦。玉牌環珮響玎玎。出繡戶。金蓮窄窄。推朱簾。玉笋輕輕。步蘭堂。動衣麝鬢。下瑤階。移步香生。體態嬌羞。花閉月。貌丰姿。絕代傾城瑩。水雲比玉。香猶勝。妖嬈嫵娜。窈窕娉婷。

油葫蘆

怕蕩起塵埃。款步行。駿趁着月下影。錯疑做廣寒宮。仙子下天庭。慢騰騰。扭捻穿芳徑。笑吟吟。做意兒將。

雕闌凭。就着這蟾魄明。兔影清。遍乾坤一片無瑕瑩。
光皎潔。天地一壺冰。

天下樂

撲刺刺林間宿鳥驚。忒楞騰。莫不是綽見影。猛可里
支楞爭響了一聲。又不是鶯燕啼。又不是鸞鳳鳴。原
來是操高山流水聲。

那吒令

撫冰絃韻清。動焦尾正聲。雅操時。神驚鬼驚。角徵明。
宮商應。羽意堪聽。

鵲踏枝

一字字可宣情。一句句動人情。似魚躍風波。鶴唳雲
庭。咕玎噹似銀壺瀉冰。支楞爭動玉指波傾。

寄生草

操琴的眼底神珠出。冑中冰鑑明。未曾的步蟾宮先
有偷花性。不思量跳龍門先有憐香性。未曾登虎榜
先有風流性。張君瑞五言詩當日做主婚書。這生他
七絃琴今夜為媒証。

六么序

呀。賣弄他風流性。顯耀他俊雅能。噴珠玑錦繡聰明。
一箇美貌書生。一箇俊俏娉婷。正是惺惺的還遇惺
惺。過松棚緩步穿芳徑。他撲堆着笑臉兒相迎。入蘭
房共枕成歡慶。半羞半肯。又喜又驚。

么篇

早則應承。施呈兩意相應。一霎恩情。悄語低聲。海誓
山盟。趁着這窻前月影。相應着雲雨行。汗滴香清。體
健身輕。素春羅一點紅生。恰綢繆引動風狂性。這娉
兒美味。纔生雲環揉亂。重新整。渾身氣爽。滿面春風。

尾聲

今夜鳳鸞交。何日鴛鴦並。端詳了風流可憎。雨歇雲
收。纔待醒。描不出體態輕盈。俏娉婷。俊雅書生。百年
姻緣。今夜成。則學那張生志誠。休學李勉薄倖。笑吟
吟。携手出門庭。

八聲甘州

花遮翠擁。香靄飄霞。燭影搖紅。月梁雲棟。上金鈞十
二簾櫳。金屋屏開玳瑁筵。綠蟻香浮白玉鐘。爽氣透
襟懷。滿面東風。

寄生草

圍珠翠冰綃內。勝蓬萊閨苑中。淡朦朧半窻明月梨
雲夢。漫匆匆滿溪流。水天台夢。看溶溶一襟清露遊
仙夢。昨宵暈烘烘。夜涼醉卧藥珠宮。今朝暖融融。曉
來悞入桃源洞。

村裏逐鼓

擺窈窕翠娥紅袖。出葡萄紫駝銀囊。聽嘹唳笙簧聒
耳間。一派仙音齊動。你看那梅香使數丫。鬟小玉。相
隨相從。鸞簫吹象板。隨皓齒歌纖腰舞。留璃鍾琥珀
濃。端的簇捧定箇可嬉娘。風流萬種。

元和令

雲幕障翠靄。錦堂晃晚霞重。小姐纖纖十指露春
葱。寶釵橫螺髻聳。你看他腮桃眉柳額芙蓉。點星眸
秋水同。

上馬嬌

日高時花影重。風香時酒力擁。雲母嬈博山銅。你看
他羅裙輕拂湘紋動。半扎鳳頭弓。同仙子共相從。

遊四門

如那彩雲飛下碧虛空。嫦娥離素華宮。一盃未盡笙
歌送。香透翠簾櫳。曲未終。琵琶慢輕籠。

勝葫蘆

這的是歌盡桃花扇底風。鶯聲啞盡樓東。人比花枝
嬌又紅。釧鳴冰腕。衣飄金縷。褥隱繡芙蓉。

後庭花

墜天花滿太空。飄瓊香散九重。登隱隱金霞殿。遊魏
巍碧落空。上天宮。乘鸞跨鳳。赴三茅太華峯。伴千年
長壽松。隨鍾離跟呂翁。陪韓湘學葛洪。脫塵寰凡世

冗。赴瑤池仙界中。赴瑤池仙界中。

青歌兒

呀。爭如俺花濃花濃柳重。更和這兩魂兩魂雲夢。月
戶雲窻錦繡擁。你看那香溫玉軟叢叢。珠圍翠遶重
重。鼉皮鼓兒鼕鼕。喇古笛兒喁喁。盃行走竿飛觥。歌
音換羽移宮。玉肩雙並。素手相携。美姿姿嬌滴滴軟
兀刺的笑相從。兀的不強如您白雲洞。

尾聲

枉了你費精神。休只管相搬弄。怎撒下玉天仙風流

愛寵情厮着的。夫妻兩意逢。少年心更意偏同。繡房中。淡蕩香風。麝煤燃輕薰翠袖中。玉繩拽遙天半空。更漏靜梅花三弄。只喫的斗杓回月影轉梧桐。

村裏逐鼓

正值着麗人天氣。可正是賞花賞花時候。你看那花紅和這柳綠。遶着這社南社北。莊前莊後。則見那柳飛綿。花似錦。江山清秀。他每都携着美醞。穿紅杏。搖翠柳。我直喫的笑吟吟。醺醺帶酒。

元和令

錦模糊江景幽。翠峻層遠山秀。正值着稻分畦蠶齊簇。麥初熟。太平人閑袖手。趁着這古堤沙岸綠。陰稠。纜船兒執着釣鈎。纜船兒執着釣鈎。

上馬嬌

我將這錦鯉兜。網索來收。村務內酒初熟。恰歸來半醉黃昏後。暮雨收。牧童兒歸去倒騎牛。

遊四門

正是楓林梧葉報新秋。呀呀的寒鴈過南樓。正遇着鷄肥蟹壯秋收後。霜降水痕收。朋友每留。乘興飲兩

三甌。

勝葫蘆

正值着淺碧粼粼露遠州。賞紅葉一枝秋。我則見三
徑黃花景物幽。正值着豐年稔歲。太平簫鼓。酒醒時
再扶頭。

後庭花

我則待尋梅訪故友。踏雪沽釀酒。寶篆焚金鼎。濁醪
飲巨甌。只喫的醉扶休。酒還中不勾。村務內將琴劍
留。倉廩中將米麥收。渾醖醅甕底。再邀住林下叟。

柳葉兒

我直喫到二更時候。正誼譁交錯觥籌。一任教月移
梅影橫窗瘦。心相愛意相投。醉時節納被蒙頭。

點絳脣

花信風微。燕泥雨霽。韶光媚。暖日遲遲。醞釀遊春意。
混江龍

艷陽天氣。遍園林無處不芳菲。柳條嫵娜。杏錦離披。
翠草和煙。雛燕舞。碧桃凝露。彩雲棲。芍藥粉鉛花淺
試。海棠絲絳蠟低垂。翠檻暖香含荳蔻。盡攔晴雪噴

茶藤。小徑嵌金錢。石竹。倭屏攢錦帶。玫瑰花撲撲。一簇錦模糊。暖溶溶。三月春明媚。芳塵滾滾。香霧菲菲。

油葫蘆

四十里紅鄉錦繡圍。真是美。香車寶馬趁晴暉。雕輪輕碾莎茵細。玉鞭亂拂楊花墜。恰轉過。甃花磚。萬字堦。早來到步金梭。九曲堤。立東風。思却非塵世。只疑是乘丹鳳下瑤池。

天下樂

十二樓臺擁翠薇。高低簾半垂。一處處。啓紗窗。列銀屏。開繡幃。花香度。鬪草亭。柳陰濃。拾翠溪。有丹青。難下筆。

那吒令

蝴蝶兒對飛。過葡萄架西。遊蜂兒兢起。落薔薇徑裏。黃鶯兒亂啼。在櫻桃樹底。鴛鴦戲綠水濱。鸚鵡語金籠內。一聲聲似帶嬌痴。

鵲踏枝

錦香堆。翠紅圍。纔過了元夜花朝。又早是禁煙寒食。看如此。風光景致。盡遊人樂以忘歸。

寄生草

泛曲水蘭舟近。簇香風錦帳移。錦標收看罷鞦韆戲。
翠鬟迎緩步。笙歌沸。玳筵開。準備鸞鳳會。夜長拚却
月中歸。春宵莫惜花前醉。

寄生草

小隊按霓裳舞。新腔換金縷衣。隨花傍柳春情媚。調
絃品竹仙音配。烹龍魚鳳珍羞備。瑤臺舞下玉天仙。
蓬壺擁出風流地。

後庭花

酒痕香羅帕濕。花枝重雲髻低。酒後情偏熱。花深眼
欲迷。覷吳姬。風流佳麗。粉酥凝白雪肌。黛煙描新月
眉。寶釵橫雲亂堆。柳腰纖玉一圍。啟朱唇皓齒齊。蕩
湘裙蓮步遲。蕩湘裙蓮步遲。

青歌兒

嬌艷笑秋波。秋波生媚。安排着雨情。雨情雲意。翠袖
香溫手共携。畫閣蘭闥。繡枕羅幃。琴瑟相宜。鸞鳳于
飛。是一對美姻緣。好夫妻。成就了鴛鴦會。

尾聲

休辜負賞花時。勿蹉跎尋芳意。莫惜千金一刻。縱有
遊絲百尺飛。碧天邊難繫春暉。到明日。綠暗紅稀。忍
聽空林叫子規。常則是被流鶯喚起。更做道。殢紅粧
不睡。這的是惜花人愛月夜眠遲。

點絳脣

書喪秦嬴。道絕孔聖。坑灰冷。漢代儒生。撥煨燼尋踪
影。

混江龍

孔安國學闡中庸語。孟馬融註春秋。咸祖左丘明傳。

周易關西夫子。治尚書魯國伏生。校禮記。舛訛楊子
雲。作毛詩箋註。鄭康成聖道與陰陽消長。大成燦日
月光明。立萬代

帝王規矩。為億兆士庶權衡。中庸行大道發揚中正。論
語紀善言問答分明。孟子揆萬類包羅天地。春秋貫
一理褒貶公卿。周易講繫辭天心照鑒。尚書訓典謨
王道興行。禮記明人倫高低貴賤。毛詩頌國風雅興
歌聲。咱父祖乃文林華胄。况外戚是儒業簪纓。哀先
相國及呼絕嗣。使小姐振乎家聲。又何須懸頭刺股。

積雪囊螢。又不要齊家治國。立身揚名。但只要理窮
物格。意正心誠。動天機。達天理。識天時。曉天意。順天
心。知天命。寸陰是競。萬里咸明。

油葫蘆

小姐你便罷。女工留心在九大經。吾日三省。匆匆節
序又清明。這其間風光老盡芳菲景。今夜箇月明。閑
殺鞦韆影。你聽波。杜鵑聲到耳清。聞波梨花香拂鼻
馨。小姐你把看書心。權作遊春興。暫離了三尺短檠
燈。

天下樂

這其間燕寢夫人夢未醒。樊素到天也波明。親負荆。
比着那終南山割席學管寧。不是我主意別。啜賺的
你早晚行。枉辜負鶯花三月景。

那吒令

瑤玎琤玉聲。蹴金蓮步輕。踏蒼苔月明。浸凌波襪冷。
九十日春正濃。千金價春宵永。樂事難併。

鵲踏枝

花共柳笑相迎。風與月最多情。醞釀出嫩綠嬌紅。淡

白深青。對如此良辰美景。動騷人風調才情。

寄生草

此景翰林才吟難盡。有丹青筆畫不成。海棠風錦機
搖動鮫綃冷。芳草煙翠紗籠罩。玻璃淨。垂楊露綠絲
穿透珍珠迸。池中星。有如那玉盤亂撒水晶丸。松梢
月。恰便似蒼龍捧出軒轅鏡。

寄生草

他曲未盡腸先斷。我耳纔聞愁越增。一程程捱入相
思境。一聲聲總是相思令。一星星盡訴相思病。不爭

向琴操中單訴尔飄零。可不道窻兒外更有人孤另。

六么序

則管里泣孤鳳琴中語。怨離凰指下生。這公他也不
是箇老實先生。踈刺刺竹弄寒聲。撲簌簌花墜殘英。
忒楞楞宿鳥飛騰。端詳了半晌空俛倖。靜無人悄悄
冥冥。不是我心喬怯。非是我踈狂性。啞的失笑。啞的
吞聲。

么篇

聽呀的門扃。靜厮擦的人行。鶯的聞聲。越地潛行。猛

的凝睛。厭的氤氳。颯的風清。却原來群花弄影。將我
來詭一驚。小姐分明。樊素實曾。搬調的後園中。寅夜
閑行。只恐怕夫人知道無乾淨。別引逗出半點兒風
聲。夫人他治家嚴切狠情性。至少呵三十柱杖。我其
實怕你那七代先靈。

尾聲

信步出蘭庭。庭院悄人初定。定是彈琴那生。生猜作
無情似有情。情知是深意來聽。聽沉罷過初更。更蘭
也休得消停。停待甚忙將脚步行。行過碧梧金井。井

欄邊把身軀掩映。映着我這影兒呵。嫌殺月兒明。

點絳脣

萬里長江。半空烟浪。驚濤響。東去茫茫。遠水天一様。

混江龍

壬戌秋七月既望。泛舟屬客樂何妨。過黃泥之坂。遊
赤壁之傍。銀漢無聲。秋氣爽。水波不動。晚風涼。誦明
月之句。歌窈窕之章。少焉間月出東山上。紫微貫斗。
白露橫江。

油葫蘆

四顧山光接水光。天一方。山川相繆鬱蒼蒼。浪淘盡
風流千古人凋喪。天連接崔嵬一帶山雄壯。西望見
夏口。東望見武昌。我則見沿江殺氣三千丈。此非是
曹孟德困周郎。

天下樂

隱隱雲間見漢陽。荆襄幾戰場。下江陵順流金鼓響。
旌旗一片遮。舳舻千里長。則落的漁樵每做話講。

那吒令

見橫槊賦詩。是皇家棟梁。見臨江醜酒。是將軍虎狼。
見修文偃武。是朝廷紀綱。如今安在哉。做一世英雄
將。空留下水國魚邦。

鵲踏枝

我則見水茫茫。樹蒼蒼。大火西流。鳥鵲南翔。浩浩乎
不知所往。飄飄乎似覺飛揚。

寄生草

渺蒼海之一粟。哀吾生之幾塲。舉匏樽痛飲偏惆悵。
挾飛仙羽化偏舒暢。沂流光長嘆偏悒快。當年不為
小喬羞。只今惟有長江浪。

尾聲

慢把洞簫吹。再把詞章唱。蘇子正襟坐。掀鬚鼓掌。洗盞重新更舉觴。眼縱橫。醉倚蓬窗。怕踈狂。錯亂了宮商。殺核盤空夜未央。酒入在醉鄉。枕藉乎舟上。不覺的朗然紅日出東方。

八聲甘州

慊慊瘦損。早是傷神。那值殘春。羅衣寬褪。能消幾箇黃昏。風裊篆烟不捲簾。雨打梨花深閉門。無語凭闌干。目斷行雲。

混江龍

落花成陣。風飄萬點。正愁人。池塘夢曉。欄檻辭春。蝶粉輕霑飛絮雪。燕泥香惹落花塵。繫春心。情短柳絲長。隔花陰。人遠天涯近。香消了。六朝金粉。清減了三楚精神。

油葫蘆

翠被生寒壓繡裯。休將這蘭麝薰。便將蘭麝薰盡。則索溫存。昨宵錦囊佳製。明勾引。今日箇玉堂人物。難親近。這夢時睡。又不安。坐又不寧。我欲待登臨。不快

閑行又悶。每日家情思昏昏。

天下樂

我則索搭扶定。鮫綃枕頭兒上。耽。但出閨門。影兒般
不曾離了身。則俺那老尊堂。恁般隄備着人。小梅香
伏侍的勤。老夫人拘繫的緊。則怕俺女孩兒家失了
夢氣分。

那吒令

我往常。但見一箇外人。氤的又早便噴。但見一箇客
人。厭的又早到褪。曾見俺那人呵。堯的。我便親。想着

昨夜詩。依着前韻。酬和的清新。

鵲踏枝

吟的那字兒真。念的那句兒勻。詠月新詩。索強如織
錦迴紋。誰肯。針兒將線引。向東隣。通箇慙慙。

寄生草

想着俺文章士。旖旎人。他生的臉兒清秀。身子兒俊
性兒溫克。情兒順。不由我口兒裏作念心兒裏印。學
的那一天星斗煥文章。不在了十年窻下無人問。

六么序

聽說罷魂離了殼。見放着禍滅身。我將袖稍兒搵不住啼痕。好着我去處無因。進退無門。可着我那搗兒裏人急偎親。孤孀子母無投奔。赤緊的先亡過有福之人。耳邊廂金鼓連天震。征雲冉冉。土雨紛紛。

么篇

那厮每風聞胡云。他道我眉黛清顰。蓮臉生春。恰便似傾國傾城太真。兀的不送了人。三百僧人。半萬賊兵。半合兒剪草除根。這厮每與家為國無忠信。恣情的擄掠人民。便做道天宮般蓋造。焚燒盡那里也諸

葛孔明。便待效博望燒屯。

後庭花

第一來免催殘老太君。第二來免堂殿作灰塵。第三來諸僧無事得安存。第四來先人靈柩穩。第五來歡郎年小未成人。你須是崔家的後代孫。鶯鶯為惜已身。不幸上從着亂軍。諸僧眾污血痕。將伽藍火內焚。先人靈為細塵。斷絕了愛弟親。割捨了子母恩。

柳葉兒

將俺一家兒不留齧齧。待從軍怕辱末了家門。則不

如白練套頭尋箇自盡。將屍襯獻與賊人。這的是遠
害全身。

青歌兒

母親都則為鶯鶯鶯鶯生忿。對傍人一言一言難盡。
休愛惜鶯鶯這一身。不揀何人。建立功勳。殺退賊兵。
掃蕩妖氛。到陪家門。情愿與英雄結婚姻。成秦晉。

尾聲

諸僧衆各逃生。衆家眷誰倏問。這生不相識橫枝兒。
着緊。非是書生多議論。也隄防玉石俱焚。雖然是不

關親。可憐他命在逡巡。濟不濟先將秀才儘。果然有
出師表文。赫蠻書信。張生呵。則願你筆尖兒橫掃五
千人。

賞花時

休說功名皆是浪語。得失榮枯總是虛。便做到三公
位待何如。如今得時務。盡荆棘是迷途。便做握霧拳
雲志已踈。詠月嘲風心願足。我則要離塵世訪江湖。
尋幾箇知音伴侶。我則待林泉下作樵夫。

排歌

遠害全身清風萬古。堪羨范蠡歸湖。不求玉帶掛金魚。甘分向煙波做釣徒。絕塵世遠世俗。扁舟獨駕水雲居。嗟塵世人。鬪取蝸名。蠅利待何如。

那吒令

棄朝中俸祿。避風波仕途。身邊引着小僕。翫雲山景物。杖頭挑酒壺。訪煙霞伴侶。近着紅蓼灘。靠着白蘋渡。潛身向草舍茅廬。

排歌

我則將這小舟撐。蘭棹舉。箬笠為活計。一任他紫朝服。我不願盡堂居。往來交遊。逍遙散袒。幾年無事傍江湖。旋篛新酒釣鮮魚。終日醕醕樂有餘。盃中淺瓶內無。鄰家有酒也宜沽。吟魂醉。飲興足。滿身花影倩人扶。

鵲踏枝

見芳草映萍蕪。聽松風響寒蘆。我則見落照魚村。水接天隅。見一簇帆歸遠浦。他每都是夢不識字慵懶漁夫。

桂枝香

扁舟灣住。在垂楊深處。麴麴似鼻息如雷。睡足了。江
南煙雨。聽山寺晚鍾。聲聲淒楚。西沉玉兔。夢回初。本
待要扶頭去。清閑到大福。

寄生草

春景看山色。晴嵐翠。夏天聽瀟湘。夜雨踈。九秋翫洞
庭。明月生南浦。見萍沙落鴈迷芳路。三冬賞江天暮。
雪飄飛絮。一任教亂紛紛。柳絮舞空中。爭如俺農家
鸚鵡洲邊住。

樂安神

閑來思慮。自從那日賦歸歟。山河日月幾盈虛。風光
漸覺催寒暑。欲求生富貴。須下死功夫。且常教兩眉
舒。

六么序

園塘外三坵地。蓬窻下幾卷書。他每傲人間。駟馬高
車。每日家相伴陶朱。吊問三閭。我將這離騷和這楚
辭來便收足。覺來時滿眼青山暮。抖搜着綠簑歸去。
看花開花落。流年度。一任教春風桃李。更和這暮景
桑榆。

尾聲

悟乾坤清幽趣。但將無事老村夫。寫入在瀟湘八景圖。

村裏逐鼓

淮水上彩舟無數。正值着太平時序。都一般蘭橈畫漿。往來向中流競渡。你看那王孫豪客。華筵錦席。誇奢騁富。也有那皓齒歌金盃勸。象板促。敢則是一派瓊簫畫鼓。

元和令

那黃龍按中央戊巳土。那青龍應東方甲乙木。赤龍元是丙丁屬。庚辛金龍色素。更有那北方壬癸爪牙烏。貫魚行分部伍。

上馬嬌

他任轉旋相抵觸。也是他操演太滑熟。五方龍雜彩旗分布。有競利的徒。他每都賽願與祈福。

勝葫蘆

更有那座上騷人宮錦服。耽放浪少拘束。白鷺洲邊重吊古。桃根桃葉。清歌妙舞。樂事想當初。

么篇

則見隱隱殘霞水面鋪。雙雙的燕子戲萍蕪。覽勝追
歡情未足。臨流洗盞。傍花展席。將他交友謾招呼。

後庭花

看他們寶釵頭。裊絳符。朱門上懸艾虎。翠荷小盤初
展。海榴紅巾半蹙。綠槐影傍庭除。向晚來蘭湯新浴。
愛輕綃薄映膚。喜瑤觴滿泛蒲。北窻詩當再續。南薰
絃仍一鼓。南薰絃仍一鼓。

雙鴈兒

只喫的披着襟。散着髮。酒重沾。玉山頽。玉手扶。款把
紅兒悄分付。翠雲屏。暑氣無。碧紗厨。涼意是。

青歌兒

扇弄着生綃。生綃團素。簾展着碧波。碧波寒玉。新月
娟娟透綺疎。笑倚青奴。醉枕珊瑚。香炷金爐。人卧冰
壺。待驚烏翻樹。酒醒初。踏影向長廊步。

尾聲

白髮暗相催。好景休辜負。正值着蕤賓月午。謾憶三
閭楚大夫。嘆離騷九辯誰續。混風俗。且自歡娛。虎踞

龍蟠壯帝都。粧點出丹青畫圖。快活殺風流人物。便
休題歌舞醉西湖。

點絳脣

萬種妖嬈。一團俊俏。十分妙。百媚千嬌。端的是閉月
容羞花貌。

混江龍

他若是含情一笑。朱唇一顆。嵌櫻桃。梨花玉體。楊柳
纖腰。眉黛春山。嬌滴滴。眼波秋水。綠淘淘。可觀可看。
宜喜宜嗔。堪憐堪愛。難畫難描。撥銀箏。音呂韻悠揚。

唱陽春白雪。依腔調。你便有千金買笑。怎能勾一刻
春宵。

油葫蘆

喜遇得尊席上。猛見了。更那堪情性好。言淡語話那
清標。你看那聰明伶俐。諸般妙。更那堪續麻道字無
差錯。生的來花樣嬌。柳樣柔。如今博古通三教。鐵石
人一見了也魂消。

天下樂

怎能勾玉樹同棲。翡翠巢。無福的難也波消。自暗約。

用心兒訪尋月下老。者莫你能會彈能會歌。能會繡
能會描。怎生來少前程無下稍。

那吒令

離情空懊惱。我魂勞夢勞。緣薄命薄。看明朝後朝。我
勸你斷腸籍上除了姓名。姻緣簿上尋箇着落。一星
星記在心苗。

鵲踏枝

我與你自量度。自評說。你若聽琴。我便題橋。趁青春
年紀幼小。休辜負好前程。月夜花朝。

寄生草

想思病何年盡。姻緣簿甚日了。你看他知輕知重知
分曉。不能勾同行同坐同歡笑。到教我添愁添悶添
煩惱。怎能勾喜孜孜花下燕鶯期。幾時得笑吟吟春
日鴛鴦效。

六么序

眼前面人千里。耳邊廂音信杳。隔三千弱水迢迢。悶
懨懨鬼病難熬。意遲遲情思心焦。桃源洞不見分毫。
焰騰騰烈火燒祆廟。白茫茫水滸藍橋。莫不是我今

生。擷着想思。害好教我行眠立盹。夢斷魂勞。

么篇

哎你箇多嬌。仔細聽着。你若是花下相招。月底來邀。琴瑟和調。同伴吹簫。咱兩箇一世兒團圓到老。恁時節。有下稍。尋一箇安樂窩巢。散袒逍遙。到大來志氣清高。當日箇謝天香李亞仙。尋思到。知輕重肯辦清濁。後來受了金花誥。則學那鴛鴦鸚鵡。休學那燕子伯勞。

點絳脣

萬種閑愁。一場春瘦。迷花酒。燕侶鶯儔。悞了俺青雲友。

混江龍

想着俺少年時候。拈花摘葉。任風流。看了些春風謝館。月夜秦樓。俺也曾馬上抱鷄三市鬪。袖中携劍五陵遊。則我這八箇字端的無虛謬。玲瓏剔透。軟款溫柔。

油葫蘆

半世踈狂一筆勾。從今後都罷手。一場恩愛變為讐。

赤緊的紅裙不解我這嘲風口。因此上青衫緊褪柔
花手。想着俺眼底情。更和這眉角頭。則管裏雲來雨
去相迤逗。百般的終不是一箇下場頭。

天下樂

則被你毀賺的潘安兩鬢秋。想着俺這恩情。恩情不
甚久。恰便似風中落花水上漚。我則待踏折您那花
套竿。撞出您那錦套頭。到大來千自在百自由。

那吒令

想當初你愛我時。剪青絲一縷。想當初我敬你時。贈

吟詩數首。到如今棄了俺也。斷金釵兩頭。想着俺月
底盟星前咒。早尋箇葉落歸秋。

鵲踏枝

我如今志難酬。和你不相投。悞了我也。鴈塔題詩。虎
榜名留。有一日奪得箇五花誥在手。那其間共結綢
繆。

寄生草

俺如今時間困。目下憂。我將這三尺劍掃蕩了紅塵
垢。萬言策補盡乾坤漏。五言詩奪盡了江山秀。若是

這柳耆卿奪得紫袍新。哎你箇謝天香纔識俺這白衣秀。

尾聲

深篋笠緊遮肩。鹿布袍寬裁袖。畢罷了狂朋恠友。打扮做儒流。風月叟。近新來弃了偕友。哎你箇鬼狐尤。悞了我談笑封侯。萬里鵬程得志秋。氣冲牛斗。曾懷着錦繡。則我這上元頭強似您下場頭。

點絳脣

天淡雲孤。怨雲愁霧。施英武。威鎮征夫。取勝如神助。

混江龍

全按着周天之數。九宮八卦立錕鍔。怎敢教差持了旗號。錯配了軍卒。安排下走虎飛龍。扶社稷。準備着釣鰲網。索困江湖。第一陣乾為天。天門引戟。第二陣坎為水。居底同謀。第三陣艮為山。深伏隘口。第四陣震為雷。實若還虛。第五陣選為風。煙塵浩蕩。第六陣離為火。火燎寰區。第七陣坤為地。栽花接果。第八陣兌為澤。蟠足潛跡。第九陣營中安寨。第十陣惡黨兇徒。上按着九天紛紛殺氣。下鎮着九泉亦似荒蕪。饒

你有萬人之勇。直殺的你力盡筋舒。鳥藏在深林。恠樹獸避在野嶺無居。隔山聞軍。軍相應。隔澗聽盡角喧呼。鬧嚷嚷。鳴金走陣。齊臻臻。貫甲軍卒。縱然你除天可害。難逃這十面埋伏。天之道。天之理。天之數。張良用黃公三畧法。韓信用呂望六韜書。

油葫蘆

則聽的吶喊。搖旗齊譟鼓。縱征駝親去取。則今番一陣定見箇羸輸。為君的開基創業。齊天福。為臣的安邦定國。上功勞簿。平地上起戰場。高阜處列着帥

府。更有那張司徒。蕭丞相。劉高祖。韓元帥。山頂上運機謀。

天下樂

則聽的動一派簫韶品奏曲。霸主高呼。罵韓信一餓夫。你則待立劉邦。覷吾如糞土。仗無敵自去拿。縱征駝親去取。不隄防。列千枝脚踏弩。

那吒令

我這里望上射。似飛蝗驟雨。望下坎大刀巨斧。密匝匝隊伍。要擒拏項羽。見樊噲旗在手。便磨在垓心處。

正點起百萬軍卒。

鵲踏枝

一箇箇腆着胷脯。一箇箇縱着虎軀。恰便似斬脍截
瓜。刈葦芟蒲。口吐着狼煙氣毒。他每不隄防先有了
埋伏。

寄生草

將霸王困在那垓心內。九里山一字兒擺着陣圖。更
有那張司徒吹起傷情曲。衆兒郎流淚思鄉故。吹散
了八千子弟歸何處。那漢他急荒上馬趕程途。這的

是烏江不是無船渡。

村裏逐鼓

都則為始皇無道。只令的上蒼發怒。天差下項羽。占
世界龍蟠虎踞。一壁相排着戈甲。列着旗號。篩鑼播
鼓。更有那八千子弟。三傑人物。爭天下。競帝都。他每
先立起英雄霸王。

元和令

漢高皇有分福。韓元帥死扶助。九里山施展六韜書。
大會垓親擺布。托賴着

聖明天子百靈扶。子房公高阜處。悲歌聲能散楚。

上馬嬌

更有那夯鐵夫。百萬餘。一箇箇流淚濕征服。楚歌聲
罷軍營裡覷。一箇無。不覺的散了軍卒。

遊四門

中軍帳裏夢回初。霸主欲登途。那虞姬親把離情訴。
腰下借銀鍔呀。血濺了美人圖。

賞花時

我則見雄糾糾將軍催着戰駒。昏慘慘愁雲遮了太

虛。山頂上鳴金擊鼓。漢高皇共宰輔。手指定立高呼。
罵道是豐沛劉三跨下夫。縱馬橫鎗親去取。若不是
蕭丞相有權術。遄遄的開弓蹬弩。淙淙的兩點也似
發金錠。

勝葫蘆

我則見忽刺刺的征旗半空舞。盡都是元帥運機謀。
正東上高起王陵擺隊伍。東南上灌纓盧綰。正南上
申陽陸賈。西南上張耳共陳餘。

么篇

正西上周勃周昌周亞夫。西北上彭越。那里鎮着邊隅。正北上三齊王韓信元帥府。東北上呂馬通相助。將一箇楚重瞳攔住。你便是那鐵石人也長吁。

後庭花

休休休休強取。天天天喪楚。本是箇出水金精獸。困住了箇拔山白額虎。那漢更不服輸。施展他拿雲握霧。隔斜里猛撞出。急急似漏網魚。困騰騰無是處。喑鳴聲口嘆吁。拔山力手強舉。見旗開兩下處。有一人攔住去路。後猊盔纓亂舞。黃金甲白戰服。勒甲絛

臂膊。犀獅蠻帶嵌寶珠。雲根靴嵌抹綠。騎一匹抱月烏。直雙雙的眉到豎。骨碌碌睜開恠目。支生生麥開虎鬚。惡眼眼執着巨斧。猛擡頭覷了面目。不由人不怕懼。

青歌兒

呀。想這厮情。理情理可怒。空教我感嘆感嘆長吁。罵你箇盜粟偷瓜賊匹夫。他今日中了機謀。安排下十面埋伏。殺的我軍馬無數。難見東吳。準備待江東國借軍卒。今日硬當住咽喉路。

柳葉兒

呀。正撞着九江王英布。難逃這十面埋伏。烏江不是
無船渡。錯走入陰陵路。耻向東吳。這的是霸主休處。

點絳脣

歸去來兮。故鄉近日。田園內。蕪草荒迷。催把微官棄。

混江龍

既心為形役。何須惆悵。自生悲。悟往之不諫。知來者
堪追。昨日方知前日錯。今朝便覺夜來非。舟搖搖以
帆輕颺。風飄飄而以吹衣。問征夫似行途路。恨晨光

之稀微。乃瞻衡宇。適我閑中意。雖休官早。悔恨來遲。

油葫蘆

荷月鋤田夜始歸。有歡迎童僕隨。侯門稚子笑牽衣。
栽五株翠柳籠烟密。種一籬黃菊凝霜媚。三徑邊雖
就荒。兩喬松喜不移。盼庭柯木葉交蒼翠。我則是常
把笑顏怡。

天下樂

雖設柴門鎮掩扉。無為交暫息。既世情人我心願遲。
看山岫雲始歸。羨知還鳥倦飛。撫孤松心似水。

那吒令

悅高朋故戚。共談玄講理。辨登山翫水。早休官棄職。
遠紅塵是非。省藏頭露尾。深蒙雨露恩。自得鋤鉏力。
問優游此興誰知。

鵲踏枝

與猿鶴久忘機。共琴書久相陪。纔過西郊。適興東籬。
誰待要勞神費力。不能勾展眼舒眉。

寄生草

一任教秦灰冷。從教那晉鼎移。倚窗或樂琴書味。從

情或棹孤舟濟。登山或念車輪意。羨哉之志樂田園。
浩然之氣冲天地。

寄生草

農夫告春將及。朝來雨一犁。新生禾葉層層密。長流
泉水涓涓細。初開黃菊叢叢媚。有時矯首恣遊觀。策
杖老者欣留憇。

金盞兒

去來兮。莫呆痴。寓形宇內能何已。委心不為去心迷。
嘻。嗔。嗔。將道底。用怡怡。欲潛歸。知帝鄉人不到。任富

貴願皆遲。

尾聲

喜携杖自耕耘。歡自己忘憂會。翫賞東籬足矣。採菊
浮盃穩坐地。對南山山色希奇。看山巍山色相催。山
色悠悠能有幾。逍遙度日。優游卒歲。樂天之命復奚
疑。

點絳脣

相國行祠。寄居蕭寺。因喪事。幼女孤兒。將欲從軍死。

混江龍

謝張生伸志。一封書到便興師。顯的文章有用。足見
天地無私。若不是剪草除根半萬賊。險些兒不滅門
絕戶一家兒。鶯鶯君瑞。許配雄雌。夫人失信。推托別
詞。將婚姻打滅。以兄妹為之。他如今廢却成親事。一
箇愁糊塗了。胷中錦繡。一箇淚搵濕臉兒。上胭脂。

油葫蘆

憔悴潘郎鬢有絲。杜韋娘不似舊時。一箇帶圍寬清
減小腰肢。一箇睡昏昏不待觀經史。一箇意懸懸懶
去拈針指。一箇絲桐上調弄出離恨苦。一箇花牋上

刪抹成腸斷詩。一箇筆下寫幽情。一箇絃上傳心事。
兩下裏都一樣害相思。

天下樂

方信道才子佳人信有之。紅娘看時。有些箇恠性兒。
則怕有情人不遂心也似此。他害的有些抹眉。我遭
着沒三思。兩下裏安排憔悴死。

村裏逐鼓

我將這紙窻兒濕破。我這裏悄聲兒悄聲兒窺視多。
管是和衣兒睡起。羅衫上前襟摺裡。覷了他孤眠况
味。淒涼情緒。無人扶持。澁滯氣色。微弱聲細。黃腹臉
兒。張生呵。你若是不悶死多應害死。

元和令

金釵敲門扇兒。則我是散相思五瘟使。稱着這風清
月朗夜深時。使紅娘來探尔。俺小姐至今胭粉未曾
施。念到有一千番張殿試。

上馬嬌

他若是見了詩。覷了詞。恁時節顛到費神思。這妮子
怎敢胡行事。他可敢啗啗的攤做了紙條兒。

勝葫蘆

哎你箇饒窮酸。俵沒意兒。賣弄你那有家私。我莫不圖謀你的東西。來到此。這的是先生錢物。與紅娘做賞賜。莫不是我愛你的金資。

么篇

呀。看人做桃李春風。牆外枝。俺小姐又不曾賣俏倚門兒。我雖是婆娘。有夢氣志。你道是可憐見小子。隻身獨自。恁的呵顛倒有尋思。

後庭花

我則道拂花牋打稿兒。却原來染霜毫不勾思。先寫下幾句寒溫序。後題着五言八句詩。不一時。他把花牋錦字。搵成箇同心的方勝兒。忒聰明忒敬思。忒風流忒浪子。雖然是假意兒。小可的難到此。

青歌兒

呀。顛倒寫鴛鴦鴛鴦兩字。方信道在心在心。為至。看喜怒其間。我與你覷箇意兒。放心波學士。我願為之。並不推辭。別有言詞。則說道昨夜彈琴那人兒。學傳示。

寄生草

你将偷香手。准备着折桂枝。休将那淫詞兒污了龍蛇字。藕絲兒縛定鷓鴣翅。黃鶯兒奪了鴻鵠志。休為這翠幃錦帳一佳人。悞了你玉堂金馬三學士。

尾聲

沈約病多般。宋玉愁無二。清減了相思的樣子。眉眼傳情未了時。中心兒日夜藏之。怎因兒有美玉於斯。我只着有發落有歸着這張兒紙。憑着我舌尖說詞。簡帖兒心事。我管交那人兒來探一遭兒。

點絳脣

十載寒窓。半生指玉。登龍榜。懷寶迷邦。我則待舉直措諸枉。

混江龍

赤緊的斯文天喪。時將美玉韞匱包藏。不能勾片言折獄。一語興邦。開省一遭登北闕。茅蘆三顧到南陽。將毛錐乏盡。鐵硯磨穿。高歌鼓腹。談笑欣然。我則待慢登臨。感嘆仲宣樓。有文才無名。住在顏回巷。養浩然柴門積雪。嗟嘆兩鬢如霜。

油葫蘆

遠至經離父母鄉。到京師赴舉場。將群儒戰退氣昂。昂。奪得箇翰林兩字標金榜。却正是禹門三汲桃花浪。到京師進表章。見帝王。把白衣脫在金階上。便能勾穿紫綬掛金章。

天下樂

宣賜蒙恩出建章。端詳。朱衣列兩廂。恰便似出蜃龍一聲雷震響。會風雲遠四方。遂功名紙半張。這的是男兒當自強。

寄生草

今日箇編修院。往常在冰雪堂。十年禮義勤習講。半生蘆菜頻修養。博的箇滿朝朱紫尊名望。我將這五車書黃卷隱胷中。忽然的一輪皂蓋飛頭上。

尾聲

數載向芸窓。金榜標名望。不負了功名紙張肥馬輕裘。姓字香。博得箇一舉名揚。顯時光。車馬成行。左右公人立兩傍。高擎着玉觴。滿斟着佳釀。穩情取腰金衣紫狀元郎。

點絳脣

紅雨紛紛。落花成陣。東風緊。空忙殺蝶使蜂神。却又
早零落芳菲盡。

混江龍

枝頭春褪。一春魚鴈賞花頻。想花開一季。春色三分。
多半狂風多半雨。一分流水一分塵。我這裡出蘭堂
輕離繡閣。鳴玉珮。款步香塵。轉回廊。臨寶檻。撒金蓮。
早來到十二。徑曲雕欄近。本待要尋芳選勝。却教人
對景傷情。

油葫蘆

枝上流鶯和淚聞。為甚這粉汗涇。我常是新啼痕間。
舊啼痕。我這裡懶粧。只為心間恨。舉盃試向花前問。
人能得幾日好。花能得幾日新。却又早海棠過了茶
蘼盡。憔悴殺惜花人。

天下樂

可又早花落。花開斷送春。惡恨東君。無定准。九十日
却如一夢魂。暢好是花卸的疾。春去的緊。攔斷了今
生有限身。

那吒令

我倦對鏡臺。梳雲掠鬢。怕見柳絲牽情惹恨。羞見落花飄香墜粉。鴛鴦有交頸歡。蝴蝶有雙飛分。何況於人。

鵲踏枝

若說着俺尊君。更和俺夫人。將我的夙世姻緣指腹成親。到如今見書生。貧寒受窘。全不題燕爾新婚。

寄生草

則我這桃花面。為甚憔悴損。也不是惜花愛月傷春。

困。則今春不減前春恨。常則是淚珠滴了無窮盡。恨的是繡幃中愁滿雨雲空。書房裏人遠天涯近。

金盞兒

石硯吐濃雲。玉指抵牙根。收拾就孤鸞單鳳別離恨。告你箇紫霜毫成就。俺這門親。也不索窓前挑錦字。機上織迴文。筆尖傳信息。詩句做媒人。

尾聲

我覷你功課上不留心。詩句里忙尋問。倚定鮫綃睡。盹。不爭千里關山勞夢魂。到悞了暮雨朝雲。莫因循。

虛度了媚景良辰。我回盼新愁滿翠顰。若是佳期有
准。姻緣有分。教這斷腸詩。匹配了有情人。

點絳脣

漏盡銅龍香消金鳳花稍弄。斜月簾籠。喚醒想思夢。

混江龍

繡幃春重。趁東風培養出牡丹叢。流蘇斗帳。龜甲屏
風。七寶粧奩。明彩鈿。一簾香霧。裊薰籠。幔捲起金花
孔雀。錦屏開綠水芙蓉。鴉翅袒金蟬半妥。翠雲偏朱
鳳斜鬆。眉兒掃楊柳。雙彎淺碧。口兒點櫻桃。一顆嬌

紅。眼如珠光。搖秋水。臉如蓮花笑。春風鸞釵插花枝
蹀躞。鳳翹懸珠翠玲瓏。胭脂臘紅膩。錦犀盒。薔薇露
滴注。玻璃甕。端詳了艷質。出落着春工。

油葫蘆

鸞鏡光幽。百煉銅端詳。這玉容似嫦娥出現。廣寒宮。
襯桃腮。巧注鉛華瑩。啓朱唇。呵煖蘭膏凍。着粉呵則
太白。施朱呵則太紅。鬢蟬低。嬌怯香雲重。端的是占
斷綺羅叢。

天下樂

半點兒花鈿笑靨中。嬌紅酒暈濃。天生下沒褒彈的
可意種。翰林才詠不成。丹青筆畫不同。可知道漢宮
畫愛寵。

那吒令

露春纖玉葱。掃眉尖翠峯。清香含玉容。整花枝翠叢。
插金釵玉蟲。褪羅衣翠絨。縷金粧七寶環。玉簪挑雙
珠鳳。比西施宜淡宜濃。

鵲踏枝

你試看翠玲瓏。玉玳瑁。一步一金蓮。一笑一春風。梳

洗罷風流有萬種。帶人嬌玉軟香融。

寄生草

他生的傾城貌。絕代容。弄春情漏泄的秋波送。秋波
送。搬闢的春山縱。春山縱。勾引的芳心動。鬢花腮粉
可人憐。翠衾鴛枕和誰共。

寄生草

情由重。意轉濃。恰相逢似晉劉晨。誤入桃源洞。乍相
逢。似楚巫娥。暫赴陽臺夢。害想思似瘦闌成愁賦香
奩詠。你這般玉精神。花模樣。賽過玉天仙。我待要錦

纏頭珠絡索。蓋下一座花衙衙。

金盞兒

臉霞紅。眼波橫。見人羞推整雙頭鳳。柳情花意媚東風。鈿窩兒裏粘曉翠。腮斗兒上暈春紅。包藏着風月約。出落着雨雲踪。

後庭花

繡床鋪綠剪絨花。房深紅守宮。豈蕊蕊稍頭嫩。絳紗香臂上封。恨匆匆。尋夢兒閑空。美甘甘兩意通。喜孜孜一笑中。喜孜孜一笑中。

六么序

幾時得鴛幃裏。錦帳中。願心兒折桂乘龍。怎能勾魚水相逢。琴瑟和同。五百年姻眷交通。順毛兒撲撒上丹山鳳。點春羅一點嬌紅。鶯雛燕乳得歡寵。鶯花爛熳。雲雨溟濛。

么篇

雲鬢鬢鬆。星眼朦朧。錦被重重。羅襪弓弓。粉汗溶溶。那夢兒風流受用。兀的不兩意濃。言行容功。四德三從。孟光合配梁鴻。怎教他齊眉舉案勞尊重。俏書生

別有家風。金荷燒盡良宵永。憐香惜玉。倚翠偎紅。

尾聲

花月巧梳粧。脂粉嬌調弄。沒亂殺看花的眼睛。更那堪心有靈犀一點通。惱春光爛熳嬌慵。莫不是葉珠宮。天上飛瓊。走向瑤臺月下逢。比及他彩燈照夢。且看咱隔牆兒窺送。俊龐兒嬌怯海棠風。

點絳脣

秦失邦基。項劉爭利。施謀智。倚仗雄威。到底來天命歸仁德。

混江龍

君臣際會。豪傑英俊似雲集。張子房運籌帷幄。韓元帥戰勝迎敵。蕭丞相輔弼國家。遵法律。不絕罰賞。撫黔黎。整頓的江山鞏固。揩磨的日月光輝。肅靖了亡秦宇宙。扶立起炎漢華夷。調鼎禹理鹽梅。播星斗吐虹霓。逼的箇秦子嬰繫頸。獻降符。逼的箇楚霸王自刎烏江內。一來是上天眷命。第二來是臣宰扶持。

油葫蘆

鼎足三分漢社稷。占天時曹孟德。他則待命諸侯施

權柄逞奸欺。事無成一命歸泉世。廢獻帝做山陽公。
便把曹丕立。論東吳孫仲謀。據長江千萬里。倚仗着
龍韜虎畧多雄勢。得地利可勅敵。

天下樂

劉先主人和是國戚。占了西蜀。建帝基。山河帶礪。因
富貴。他則待復故邦。雪舊耻。不能勾整乾坤皆混一。

那吒令

若論着智謀。有軍師調理。若論着勢威。有雲長翼德。
若論着英勇。有子龍孟起。老將軍黃漢昇。他每都多

鋒利。一班兒將相扶持。

鵲踏枝

殺場上受驅馳。陣面上惡迎敵。雖然是將勇兵強。虧
軍師妙策神機。想當初赤壁下。鏖兵對壘。直殺的煙
滅灰飛。

寄生草

丞相要平蠻虜。我則待除逆賊。勦滅荒暴無遺類。見
如今曹丕虎視中原地。我則怕乘虛鼠竊西蜀地。軍
師前論黃數黑。說兵機。我正是班門弄斧誇強會。

六么序

擎天柱堪稱許。棟梁材衆所推。習韜畧善曉兵機。憑
丞相妙策深竒。決斷無疑。曉天文地理精微。堪為舟
楫能經濟。敢當先斗膽誰及。共軍師報國把功勞立。
他則待心存漢室。恢復華夷。

么篇

耀武揚威。斬將奪旗。勦捕渠魁。他將那小醜妖氛淨
洗。喜孜孜得勝回。四海傳檄。萬國皆知。奏鑾輦獻俘
丹墀。玳筵開慶賞。風雲會。麒麟殿圖寫容儀。功勞顯

耀英雄輩。笑吟吟加官賜賞。喜孜孜蔭子封妻。

點絳脣

天霽雲開。月華精彩。南樓外。行過庭堦。我潛立在湖
山側。

混江龍

今夜箇百無妨碍。洗乾坤風露淨塵埃。冷清清風搖
翠竹。白冷冷露滴蒼苔。風力緊寒侵金縷衣。露華涼
水透繡羅鞋。慢移蓮步。款轉雕欄。簾篩月影。燈晃書
齋。又不敢呼名道姓。我則索躡足潛踪。悄聲兒獨立

在窻兒外。想着我懷兒中受用。我怕甚麼這臉兒上
搶白。

油葫蘆

着我這瘦聳聳香肩。將門扇挨。你是猜。止不過月明
千里故人來。可教我後園中晚謁文章伯。你不肯秦
樓夜訪金釵客。外面兒模樣好。就裏最為事歹。我不
比你窮酸餓醋教君恠。不放叅緊閉定看書齋。

天下樂

却做了十謁朱門九不開。書房中好幽哉。不曾有俗

客來。將舊圍屏幾扇兒。門下擺。戀蝴蝶床榻兒窄。夢
梅花紙帳兒矮。秀才呵。也是我成人來不自在。

村裏趂鼓

你休教一時風火燒了。喏百年恩愛。則為你衾寒枕
冷。喏厮敬重一家無外。你這般假古撇。喬身分。粧步
台孩。可知道死了杜甫。亡了韓愈。滄殺李白。我道來
你可甚賢賢易色。

元和令

他有那曹子建七步才。還不了龐居士一分債。他那

般氣昂昂。宵次捲江淮。你可甚酒量寬似海。則想我夜深私出繡房來。實不丕耽着利害。

上馬嬌

一來是天地差。二來是緣分該。則你那嚇宋玉自裁。劃待將這無出路巫娥推在門外。我為甚來。干教我空下楚陽臺。

遊四門

却正是蒺藜沙上野花開。可不道疑是玉人來。則為你冷清清難把長更捱。堦下亂蛩哀。哈。我特的探多

才。

勝葫蘆

枉教我倚定門兒手托腮。休將那不觀事的話兒揣。小的每天生酒量窄。道的我速速的眼跳。氲氲的耳熱。忽忽的燎雙腮。

么篇

你看我兩朶桃花上臉來。則怕你悔後也棟梁材。哎。你箇秉燭顏叔自鑒戒。兀的般月斜風細。更闌人靜。天上巧安排。

後庭花

保親的論孟白。主婚的唐漢策。送女客霜毫筆。守親
的是石硯臺。你既怕女裙釵。無心耽待。枉將你厮定
害。王子高不好色。周瓊姬忒分外。卓文君他事不諧。
呀。哎。你箇漢相如休恠。則要你溫和。我浸冷的羅鞋。
我羞荅荅的懶把門程驀。哎。你箇梁山伯。不採我祝
英臺。羞的我快快而來。

寄生草

你則怕耽煩惱。惹罪責。為姪兒恐怕尊姑恠。書生不
好陰人愛。你莫不一家兒受了康禪戒。量這箇彩雲
喫打有何羞。尚兀自文王下馬將荆條拜。

尾聲

得了手有分斷腸詞。自惹下場無倒斷相思債。這一
箇小書舍天寬地窄。又不比對天地說盟山言誓海。
常則是似今夜魚水和諧。謹裁排。我怎肯教信斷音
乖。則要你常是臨風戶半開。來日箇一更左側。我則
索倚門兒等待。我則等的夫人燒罷夜香來。

節節高

我向這水邊林下。蓋一座竹籬茅舍。閑時節觀山翫
水。悶來和漁樵閑話。我將這綠柳栽黃菊種。山林如
畫。悶來時看翠山。觀綠水。指落花呀。鎖住我這心猿
意馬。

元和令

將柴門掩落霞。明月向杖頭掛。我則見青山影里鈎
魚。槎慢騰騰。閑瀟灑。悶來獨自對天涯。湯村醪飲興
加。

上馬嬌

魚旋拿。柴旋打。無事掩荆芭。醉時節。卧在葫蘆架。咱
睡足時。節旋去烹茶。

勝葫蘆

藥爐經卷作生涯。學種邵平瓜。淵明賞菊在東籬下。
終日飲流霞。咱向爐內煉丹砂。

遊四門

我則待散袒逍遙。閑笑耍。左右種桑麻。閑看園林噪
晚鴉。心無牽掛。蹇驢閑跨。遊翫野人家。

後庭花

我將這嫩蔓菁帶葉煎。細芋糕油內焯。白酒磁杯嚙。
野花頭上插。興來時笑呷呷。村醪飲罷。遶柴扉水一
涯。近山村看落花。是蓬萊天地家。是蓬萊天地家。

青歌兒

呀。看一黛雲山雲山如畫。端的是景物景物堪誇。剩
水殘山向那峇。心無牽掛。樹林之下。柳瓢高掛。冷清
清無事無非誦南華。就裏乾坤大。

點絳脣

竚立閑堦。夜深香靄橫金界。瀟灑書齋。悶殺讀書客。
混江龍

彩雲何在。月明如水浸樓臺。僧居禪室。鴉噪庭槐。風
弄竹聲。則道是金珮響。月移花影。玉人來。意懸懸業
眼。急穰穰情懷。身心一片無處安排。呆荅孩倚定門
兒待。越越的青鸞信杳。漸漸的黃犬音乖。

油葫蘆

情思昏昏眼倦開。單枕挨。夢魂飛入楚陽臺。早知道
無明無夜因他害。想當初不如不遇傾城色。人有過

必自責。勿憚改。我本待要賢賢易色。將心戒。怎禁他
堯的我上心來。

天下樂

我則索倚定門兒手托腮。好着我難猜。來也那不來。
夫人行料應難離側。望得人眼欲穿。想得人心越窄。
多管是俏冤家不自在。

那吒令

他若是肯來。早晨離貴宅。他若是到來。便春生弊齋。
他若是不來呵。似石沉大海。數着他脚步兒行。倚定

着窻櫺兒待。寄與多才。

鵲踏枝

恁的惡捨白。並不曾記心懷。但得箇意轉心回。索強
似夜去明來。調眼色。今經半載。這其間委實的難捱。

寄生草

安排害。準備搗。異鄉身強把茶湯捱。則為這可憎才
熬煎的心腸柰。辦着片志誠心留得形骸在。司天臺
打算了半年愁。太平車約有十餘載。

村裏逐鼓

猛見了可憎模樣。早醫了九分九分不快。則你那先
前見責。誰承望今宵歡愛。教小姐這般用心。不才張
珙。合當跪拜。小生又無那宋玉容。潘安貌。子建才。小
姐。你則是可憐見小生為人在客。

元和令

繡鞋兒剛半拆。柳腰兒恰一搦。我見他羞答答不肯
把頭擡。則將鴛枕挨雲鬟。彷彿墜金釵。小姐偏宜的
雲髻歪。

上馬嬌

則將這紐扣兒鬆。樓帶兒解。蘭麝散幽齋。不良會把
人禁害。叫一聲。怎不肯回過臉兒來。

勝葫蘆

我這里軟玉溫香抱滿懷。恰便似阮肇到天台。春至
人間花弄色。柳腰款擺。花心輕拆。露滴牡丹開。

么篇

蘸着女兒麻上來。魚水得和諧。嫩蕊嬌香蝶恣採。半
推半就。又驚又愛。擅口搵香腮。

後庭花

春羅元瑩白。早見這紅香點嫩色。燈下偷睛覷。宵前
着肉揣。暢竒哉。渾身通泰。不知春從何處來。無能的
張秀才。孤身西洛客。自從逢着稔色。思量的不下懷。
憂愁因間隔。相思病無剗劃。謝芳卿不見責。謝芳卿
不見責。

柳葉兒

呀。將你似心肝兒般看待。點污了小姐清白。忘食廢
寢。舒心害。若不是真心待。志誠捱。怎能勾這相思苦
盡其來。

青歌兒

成就了今宵今宵歡愛。魂飛在九霄九霄雲外。投至
得見多情小妳妳。憔悴形骸。瘦似麻楷。今夜和諧。由
自疑猜。露滴香挨。風靜閑階。月射書齋。雲鎖陽臺。審
問的明白。這疑是昨宵夢中來。愁無奈。

寄生草

多半韻忒捻色。乍時相見交人害。霎時不見交人恠。
些時得見交人愛。今宵同會碧紗厨。何時重解香羅
帶。

尾聲

春意透酥膏。春色橫眉黛。賤却人間玉帛。杏臉桃腮。乘著月色。嬌滴滴越顯紅白。下香階。懶步蒼苔。動人處。弓鞋鳳頭兒窄。嘆鰥生不才。謝多嬌錯愛。你是必破工夫。明夜早夢兒來。

點絳脣

嬌艷名娃。年方二八。風流煞。所事撐達。引的人牽掛。混江龍

茅簷草屨。怎消的嬌滴滴。一朶海棠花。看了他言談。俊雅音韻熟滑。名兒是千葉內生成的。紅齒齒臉兒。賽九蓮中活現的。小菩薩。據着他心靈變勝似亞仙名。據着他性聰明不在蘇卿下。端的是良金足色。美玉無瑕。

油葫蘆

六幅湘裙。簌絳紗。繡鞋兒剛半扎。步金蓮窄窄的印。堤沙。他生的丰丰韻韻。堪描畫。標標致致。人嗟呀。外面兒波浪撐。就裏又心性耍。是一箇玲瓏剔透千金價。可惜了。流落在野人家。

天下樂

我欲待權與東君做主。咱真加事不洽。倘風聲委實難按納。甜話兒答應人。實心兒相待他。做得箇乾風情全是假。

那吒令

賞三春艷花。捧瑤池玉笋。翫中秋月華。按銀箏象馬。向深冬鬪茶。侍龍幃鳳榻。翠巍巍雲鬢堆。紅馥馥花枝壓。美孜孜臉襯朝霞。

鵲踏枝

赤緊的意通達。性堪誇。一團兒軟款溫柔。百事兒喜笑歡洽。他是箇嗟頂老。又不曾求食串瓦。休猜做章臺街路柳墻花。

寄生草

能商謎。慣緒麻。知音兩意難拋下。相逢惹得聲名大。小心腸耽了些閑驚怕。門兒閉了再休踏。眉兒淡了教別人畫。

寄生草

有那等喬相識。閑嗑牙。使閑錢莽把花門訝。強風情

任被別人罵。干相思。勸不得。咱家罷。則為這賞花時。
看一段好風光。老生兒說幾句衷腸話。

尾聲

年紀到六旬來。嘆世事如嚼蠟。不快樂。枉帶恁那。羨
景良辰。休負他。錦窩中小小生涯。喚名娃。板撒紅牙。
自舞狂歌。閑笑耍。春光正佳。玉容堪畫。占東風培養
出牡丹芽。

點絳脣

風吹羊角。彤雲密罩。梨花落。滿目瓊瑤。埋沒了山川

道。

混江龍

乾坤光耀。恰便似玉龍退甲。下青霄。似梨花滾滾。柳
絮飄飄。迅指間變為銀世界。霎時間畚作玉溪橋。亂
揚輕粉。碎剪鷲毛。紛紛片片。瑟瑟瀟瀟。光閃閃粧點
出玉樓臺。白茫茫似鋪滿銀街道。端的似如蠶食葉。
蝶翅風飄。

油葫蘆

遠近峯巒。四壁高。銀海島。我則見投林宿鳥。怎尋巢。

採薪樵子迷歸道。更和那寒江漁父收綸釣。灑歌樓
酒力微。點蘭湯。茶味薄。穿簾透幕。吹烏帽。是他便壓
損臘梅稍。

天下樂

陸竹玲瓏。玉鳳毛。量度堪畫描。瀾漫松樹。蟠龍巧。飛
六出。巧剪裁。現三白。民快樂。我則見半合兒。天地老。

那吒令

藍關道擁了。韓退之。懊惱灞陵橋。詩好。孟浩然。凍倒。
尋梅的路。杏林和靖。翫却。孫康讀誦書。陶穀烹茶竈。

趕齋的蒙正歸窰。

鵲踏枝

王子猷。逞風騷。王鼎臣採薪樵。有一箇。閉戶袁安。守
志清高。漢蘇武。他也曾凍倒。看王騰。玉馬難熬。

寄生草

凜凜的寒風烈。颼颼的冷氣飄。便有那身披鶴氅。王
恭到。脚靴破履。束節操。姜保坦。卧焦被。傲一任教撲
頭。撲面玉蛾飛。則不如高眠斗帳。深為樂。

尾聲

片片亂隨風。點點穿簾幕。囑咐琴童記着。瑞擁合柴
門。且莫掃。只下的尺餘深。勝雨如膏。半空中糝瓊瑤。
也不問。下下高高。鎖住天關和地角。我這里下庭街
望着。倚欄干凝眺。喜的是豐年祥瑞。賞三遭。

點絳脣

散袒逍遙。箇中玄妙。誰知道。惟有這箇漁樵。一笑興
忘了。

混江龍

從吾所好。水邊林下。把許由學。有道童隨引。並無箇

俗客相邀。六甲風雷袖裏藏。道童將一壺春酒。杖頭
挑。出家兒不憂貧。本性得學。憂道。桑樞甕牖。陋巷單
瓢。

油葫蘆

忙處得人多。閑處少。把光陰虛度了。我則待一心辦
道。不臨朝。你覩這巍巍山海蓬萊島。煞強似家家門
外長安道。你則說有榮辱。真紫欄。無拘束。麤布袍。比
強及他。這鐘聲未響。頭鷄叫。你在那朝門外馬蕭蕭。

天下樂

爭如俺萬里風頭鶴背高。直睡到紅日上花稍。那尚兀自睡未覺。朦頭納被熟睡着。甚的喚做海水潮。甚的喚做紅日曉。不識箇明星兒直到老。

那吒令

閑來時迅脚步。崎嶇野橋。悶來時共酌。看山猿野鳥。有時節醉倒。卧沙汀岸草。覺來時酒未醒。或朗吟開懷抱。覷了這此景難描。

鵲踏枝

閑時節。搨茯苓與泥炮。採靈芝帶根燒。透着他這溪口灘頭轉過他。這水隱山遙。醉歸來把仙莊翫了。俺這里人間景物逍遙。

寄生草

你則說腰金帶。衣紫袍。想人生一夢邯鄲道。你聰明不肯回頭早。爭如俺尋真悞入蓬萊島。俺這里白雲綠水鎮常閑。你那里春花秋月何時了。

節節高

則俺這洞天深處。可端的是世人不到我。則待埋名隱姓。無榮辱無煩惱。你看那蝸角名。蠅頭利。多多

少少我則待夜睡到明。明睡到夜。夜睡到曉。呀。不覺的刷馬似光陰過了。

元和令

我喫的是盤蔬飲一瓢穿的那布道服是一套。俺則待簾衣淡飯且淹消。任天公饒不饒。我則待竹籬茅舍枕着山腰。掩柴扉靜悄悄。嘆人生空擾擾。

上馬嬌

你則待家道興名利高。則為這兩件兒受煎熬。幾時待舒心樂意寬懷抱。長則是焦煩惱。蹙兩眉稍。

勝葫蘆

你則待日夜思量計萬條。爭如我無事樂醕醕。俺這里春夏秋冬草不凋。倚窻寄傲。携筇凝眺。看鸚鵡摘金桃。

么篇

門外清風和氣飄。原來是春酒釀葡萄。俺這里花不知名分外嬌。我則待醉時一覺醒。時歡笑。直喫到紅日上花稍。

後庭花

俺山中過一宵。你人間過了幾朝。却纔那苑李三春放。却又早梧桐一葉凋。嘆節令不相饒。虛度了青春年少。爭如我步煙霞閑迅脚。携琴書過野橋。採茶芽摘藥苗。砍青松枝葉燒。搨蔓菁和土鉋。種葫麻綠水遶。採靈芝把澗遶。我其實年紀高。我其實年紀高。

青歌兒

稽首拜謝了吾

皇吾皇宣詔。情願待草履草履麻絲。出家兒貧不憂愁。富不驕。我如今趁着年少。志誠脩道。學煉丹藥。我則

待偎着嶺靠着山。近着水傍着橋。蓋一座無憂無愁。草團標。稽首煞強似凌烟閣。

點絳脣

驕馬吟鞭。舞裙歌扇。但遲見。月下星前。多少陽關怨。混江龍

只為俺歌喉宛轉。覷着這陷人坑。似誤入武陵源。但和俺恩情一遍。不若如流逝三千。不義門怎生連理樹。火坑中難長並頭蓮。眉尖傳恨。眼角留情。枕邊盟誓。袖裏香羅。樽前心事。席上恩情。傳書寄柬。剪髮燃

香。都是俺鼻凹裏蜜待嚙。如何嚙。郎君每記了夢虛
脾風月。賣了夢大厦良田。

油葫蘆

有一等夜月風流美少年。他每惡戀纏。每日家長安
市上酒家眠。有一日業風吹入悲田院。行雲不赴凌
波殿。麗春園十遍粧。曲江池三墜鞭。恰相逢初相識
桃花面。都是夢刀劍上惡姻緣。

天下樂

早賣了城南金谷園。乾也麼虔。怎過遣。每日家宴西

樓醉歸明月天。這壁廂間着綺羅。那壁廂列着管絃。
有一日饑寒守自然。

那吒令

有一等肚皮裏無一聯半聯。酒席上不言強言。俺根
前無錢說有錢。則是削膽兒動。動不動村觔現。甚的
品竹調絃。

鵲踏枝

有一等俏生員。伴着女嬋娟。吟幾首嘲詠情詩。寫數
幅錦字花箋。慣團弄香嬌玉軟。温存出痛惜輕憐。

寄生草

你問我兩椿事。聽取俺一句言。俏的教柳腰舞得東風軟。蛾眉畫出青山淺。鶯嘴歌送行雲遠。俏的教半掀土築就楚陽臺。村的教一把火燒了韓王殿。

後庭花

你愛的是販江淮茶數船。我愛的是撼乾坤詩百篇。你愛的茶引三千道。我愛的文章數百聯。富貴呵便休言。赤緊的咱心不願。請點湯宴叔元。告回避白樂天。告回避白樂天。

柳葉兒

他便窮如范丹袁憲。甘心守斷簡殘篇。螢窻雪牖咱心裏願。隨機變。你使盡不疼錢。買不轉我意馬心猿。

點絳脣

發憤忘食。浩然之氣。冲天地。志節威儀。母有不如已。

混江龍

後生可畏。君子謀道不謀食。與人恭而有禮。侍親行孝無違。僭禮季孫為八佾。小哉管仲有三歸。欲誠其意。先致其知。莫見乎隱。莫顯乎微。言思忠。聽思聰。色

思溫貌思恭。志於道。依於仁。據於德。游於藝。人兒無信。大車無輓。

油葫蘆

由也升堂。未入室。聞過喜。雖居貧賤。不能移。禮義之用。和為貴。先王之道。斯為美。身已修。家可齊。欲平天下。先安國。如何是舉枉措諸直。

天下樂

三省吾身。秉信實。時習學。在己。聖人言四十而不惑。富可求。賤可耻。雖然是執鞭士。吾亦為。

那吒令

若用之則行。道千乘之國。若舍之則藏。居十室之邑。果道之不行。便遷居九夷。貧而無怨難。富而無驕易。效南容三復白圭。

鵲踏枝

季文子正其誼。晏平仲仕於齊。善與人交。久敬無移。師也過商也不及。惟顏淵問一知十。

寄生草

司馬牛無兄弟。冉伯牛有病疾。臧文仲居蔡。何為智。

王孫賈媚竈。誇權勢。公冶長。縲綆非其罪。為人克己。總由心。出乎其類。拔乎萃。

寄生草

桑伯子商於魯。微生高以為直。泰伯讓國人稱美。景公千駟終無德。夷齊餓死人稱義。君子憂道不憂貧。學也祿在其中矣。

尾聲

敏於事。慎於言。入則孝。出則悌。豈可窮斯濫矣。甯武其愚不可及。惟曾參道統傳遺。嘆顏回正仁心。三月不違道也者。須臾不可離。異端並起。道之將廢。總不如風乎舞雩詠而歸。

點絳脣

穀雨初晴。暖風纔定。韶光盛。枝上流鶯喚起。遊春興。混江龍

小園芳徑。日遲遲。三月過清明。托賴着天公雨露。后土生成。聚萬斛好香來馥郁。逞百般嬌態鬪娉婷。感東皇造化有餘工。荷主人栽種多臨幸。因此上芳心得遂。艷質成形。

油葫蘆

便是俺默默無言亦有情。怎當這百媚生。看了這顛
巍巍金粉綴芳英。想當時姚黃魏紫馳名姓。靚紅玉
板相輝映。沉香亭並座觀花萼。樓聯轡行。奚落的太
真妃捧硯呈新令。翻曲調寄清平。

天下樂

今日箇占斷春光在洛城。輕盈各自將嬌態逞。俺向
這小紅亭左側躡足行。是誰將玉管吹。我這裏潛身
在花下聽。不由人可不丕丕心內驚。

醉中天

我怎肯香惹蜂蝶興。色妬燕鶯情。我自是國色天香
舊有名。怎與那閑花野草同相並。我也不似薔薇刺
藤。看成的薄幸。等閑間覓約尋盟。

後庭花

俺本是牡丹仙顯聖靈。列仙班有姓名。休猜做歲久
的花妖恠。多年的土木精。你說的好不惺惺。怎不知
仙凡難並。俺雖將嬌艷逞。怎肯惹芳春狂蕩情。污芳
名餘濫聲。便休將佳會等。

青歌兒

看了他。麤枝葉。隨風隨風不定。閑花草。多少多少無名。他則待顛倒蒼苔落絳纓。俺紫府黃庭。玉簡丹盟。三島蓬瀛。洞府仙靈。常向那十二瑤臺謁神京。秀才呵再休把風月門相僂倖。

尾聲

我這里忙轉綠陰中。悄悄穿芳徑。囑付你先生自省。你見這嫩紫嬌紅倚翠屏。笑顏開滿路花生。到天明。聚友邀朋。閑向花前倒玉瓶。一任你流霞滿傾。更將那笙歌擁定。直喫到上花稍月照小紅亭。

點絳脣

金谷名園。粉牆深院。雕闌轉。香霧縈牽。粧點出嫦娥面。

混江龍

天隨人願。浸長空如水。月娟娟。花開精爽。月內神仙。雲雨會期書舍裏。笙歌引至畫堂前。更名改姓。昧地瞞天。潛踪躡足。退後趨前。啓櫻唇待把芳詞薦。擡頭舉目。緘口無言。

油葫蘆

自古嫦娥愛少年。休量淺。秀才每色膽大如天。假聰明古做粧良善。思前想後成哀怨。明白的認做親。暗地裏結下冤。秋深冷落了讀書院。孤枕上夢難圓。

天下樂

封陟先生罵上元。則被他俄佻。將好事牽則俺那廣寒宮路兒不甚遠。到不如折天香桂一枝。到不如服靈丹藥一圓。好着你饑寒也守自然。

那吒令

似裴航待仙。立藍橋岸邊。似劉晨遇仙。到天台洞前。似襄王夢仙。隔巫山那邊。同諧了百世姻。永結下三生願。宿有仙緣。

鵲踏枝

少牽連。莫風顛。嚼字嚼文。擲袖垂肩。嬌滴滴香溫玉軟。半星兒酒債花錢。

寄生草

言詞順德貌全文。文章休列龍樓宴。聰明休赴鸞班選。才能休把鰲頭騙。塵靴踏到廣寒宮。布衣走上黃金殿。

寄生草

鮫綃被。駝獺氈。雲移雉尾開宮扇。香添獸鼎消餘篆。
釵橫鳳枕。仙鬟顫。春風占斷牡丹園。秋光老盡芙蓉
院。

尾聲

今夜畧相別。明日還相見。直等到梧桐月轉。着疼熱。
將他厮顧戀。廣寒宮不似桃源。怕霜天。葉落東園。拾
綴的鸞膠續斷絃。同行共眠。稱心滿願。好姻緣。翻做
了惡姻緣。

